

PROMOSI BONUS TAHUN BARU DEPOSIT TETAP DALAM TALIAN / DEPOSIT TETAP-i DALAM TALIAN

TEMPOH PROMOSI

1. “Promosi Bonus Tahun Baru Deposit Tetap Dalam Talian / Deposit Tetap-i Dalam Talian” (“Promosi”) Hong Leong Bank Berhad (97141-X) (“HLB”) / Hong Leong Islamic Bank Berhad (686191-W) (“HLISB”) bermula pada 1 Januari 2019 dan berakhir pada 7 Januari 2019, termasuk kedua-dua tarikh, atau apabila jumlah saiz dana mencapai RM380,000,000.00, mengikut mana-mana yang dahulu (“Tempoh Promosi”), melainkan diberitahu sebaliknya.

Terma & Syarat

Terma dan syarat Promosi adalah seperti berikut:-

KELAYAKAN

2. Promosi terbuka kepada individu yang merupakan pemegang akaun utama bagi akaun Semasa atau Simpanan HLB / Akaun Semasa-i atau Simpanan-i HLISB (“CASA / CASA-i”) dan yang telah mendaftar diri untuk Hong Leong Connect sebelum atau semasa Tempoh Promosi (“Pelanggan”). Bagi mengelakkan keraguan, pemegang CASA / CASA-i bersama TIDAK layak membuka atau mengendalikan Akaun Deposit Tetap Dalam Talian / Deposit Tetap-i Dalam Talian (“eFD / eFD-i”) dan TIDAK layak menyertai Promosi ini.
3. Pelanggan yang telah melakukan atau disyaki melakukan penipuan atau kesalahan undang-undang berkaitan dengan mana-mana kemudahan yang diberi oleh HLB / HLISB atau telah diisytiharkan muflis atau bakal dikenakan prosiding kemuflihan pada bila-bila masa sebelum atau semasa Tempoh Promosi **TIDAK** layak menyertai atau akan serta-merta dilucutkan kelayakannya daripada menyertai Promosi.
4. Pelanggan yang telah melakukan, atau ditentukan oleh HLB / HLISB berpotensi melakukan sebarang perbuatan salah yang dinyatakan di dalam ini akan dilucutkan kelayakannya daripada menyertai Promosi.

KAEDAH PROMOSI

5. Bagi tujuan Promosi ini, semua peletakan deposit mestilah daripada pemindahan dana CASA / CASA-i atau bank lain (kecuali HLB / HLISB) melalui Financial Process Exchanges (“FPX”). FPX adalah suatu cara pembayaran selamat dalam talian yang memudahkan pindahan dana antara bank, dipermudahkan oleh Payments Network Malaysia Sdn. Bhd. (“PayNet”). Butiran lanjut boleh disemak di <https://www.paynet.my/business-fpx.html>
6. Pelanggan yang membuat peletakan deposit melalui Perbankan Internet Hong Leong Connect antara Amaun Peletakan eFD / eFD-i Minimum sehingga Amaun Peletakan eFD / eFD-i Maksimum (“Amaun eFD / eFD-i”) seperti ditetapkan ke dalam eFD / eFD-i baharu atau sedia ada masing-masing bagi Tempoh berkenaan yang ditetapkan di bawah ini semasa Tempoh Promosi adalah berhak menikmati Kadar eFD / eFD-i Promosi sepadan (“Pelanggan Layak”) berikut:

Tempoh Promosi	Tempoh eFD / eFD-i	Kadar eFD / eFD-i Promosi	Amaun Peletakan eFD / eFD-i Minimum	Amaun Peletakan eFD / eFD-i Maksimum
1 Jan - 7 Jan 2019	6 bulan	4.28% setahun	RM10,000	RM2,000,000

Kadar eFD / eFD-i Promosi diterima pakai untuk satu (1) pusingan sahaja.

7. Amaun deposit maksimum setiap transaksi melalui FPX ialah **Ringgit Malaysia Tiga Puluh Ribu (RM30,000)** atau tertakluk kepada amaun maksimum / had pindahan ditetapkan dalam perbankan internet individu Pelanggan yang diselenggarakan dengan bank berkenaan, mengikut mana-mana yang lebih rendah.
8. Pemprosesan peletakan eFD / eFD-i mungkin mengambil masa sehingga 2 hari berkerja dan dengan itu, tarikh efektif peletakan eFD / eFD-i hendaklah bermula selepas prosesnya berjaya disempurnakan dan HLB / HLISB tidak akan bertanggungjawab atas sebarang kelewatan (jika ada).

9. Kadar eFD / eFD-i Promosi dapat dinikmati Pelanggan Layak bagi peletakan yang dibuat menerusi Perbankan Internet Hong Leong Connect antara 6.00 pagi dengan 11.59 malam, tujuh (7) hari seminggu, atau dalam waktu yang ditetapkan oleh HLB / HLISB di Hong Leong Connect atas dasar siapa cepat dia dapat.
10. Pelanggan Layak dikehendaki menamakan CASA / CASA-i yang diselenggarakan dengan HLB / HLISB di bawah nama individu Pelanggan Layak ("CASA / CASA-i" Namaan) bagi tujuan mengkreditkan faedah / keuntungan yang diperolehi di bawah Promosi ini. Faedah / Keuntungan yang diperolehi akan dikreditkan ke dalam CASA / CASA-i Namaan Pelanggan Layak setiap 6 bulan dan / atau pada tarikh matang. Bagi tempoh 6 bulan atau kurang, faedah / keuntungan dibayar pada tarikh matang.
11. Pada tarikh matang, Amaun eFD / eFD-i pokok akan diperbaharui secara automatik pada kadar semasa eFD / eFD-i masing-masing.
12. Untuk Pengeluaran Pramatang berkuatkuasa daripada 27 Julai 2018 hingga 31 Disember 2018, sekiranya Amaun eFD / eFD-i dikeluarkan sebelum tarikh matang, maka peraturan berikut akan diguna pakai:
 - (a) Tiada faedah / keuntungan akan dibayar bagi:
 - (i) mana-mana peletakan eFD / eFD-i selama tempoh satu (1), dua (2), atau tiga (3) bulan yang tidak memenuhi tempoh yang penuh; dan
 - (ii) mana-mana eFD / eFD-i lain yang dikeluarkan sebelum genap tiga (3) bulan.
 - (b) Mana-mana keadaan lain yang tidak ditetapkan dalam klausa 12(a) atas, faedah / keuntungan akan dibayar kepada eFD / eFD-i dikeluarkan sebelum tarikh matang dan akan menerima separuh (1/2) daripada kadar faedah / keuntungan asal yang dikontrakkan pada setiap bulan yang lengkap.
13. Tiada faedah / keuntungan akan dibayar bagi amaun pengeluaran pramatang berkuatkuasa daripada 1 Januari 2019 dan seterusnya, tanpa mengira bilangan bulan yang lengkap pada masa pengeluaran sebelum tarikh matang.

HLB / HLISB berhak menolak balik dan memotong amaun setara dengan faedah / keuntungan yang dibayar bagi eFD / eFD-i yang dikeluarkan sebelum tarikh matang, daripada Amaun Pokok eFD / eFD-i pada masa pengeluaran.

Pelanggan HLISB bersetuju melepaskan hak untuk menuntut harga jualan penuh bagi sebarang pengeluaran eFD-i sebelum tarikh matang.
14. Pengeluaran sebahagian Amaun eFD-i tidak dibenarkan. Tertakluk kepada fasal 12 Terma dan Syarat Promosi, pengeluaran sebahagian eFD dibenarkan dalam gandaan Ringgit Malaysia Satu Ribu (RM1,000) sahaja. Walau bagaimanapun, jika baki eFD kurang daripada Ringgit Malaysia Lima Ribu (RM5,000), pengeluaran sebahagian tidak dibenarkan bagi akaun tersebut.
15. Amaun eFD / eFD-i TIDAK boleh digunakan sebagai sandaran bagi tujuan mencagarkan mana-mana kemudahan kredit yang diperolehi atau akan diperolehi oleh Pelanggan Layak.

UMUM

16. Dengan menyertai Promosi, Pelanggan bersetuju :
 - (a) telah membaca, memahami dan mematuhi Terma & Syarat di dalam ini;
 - (b) keputusan HLB / HLISB atas semua hal berkaitan dengan Promosi adalah muktamad dan mengikat ke atas semua Pelanggan dan sebarang surat-menyurat dan / atau rayuan untuk mempertikaikan keputusan HLB / HLISB tidak akan dilayani;
 - (c) mengakses laman sesawang HLB di www.hlb.com.my ("Laman Sesawang HLB") / Laman Sesawang HLISB di www.hlisb.com.my ("Laman Sesawang HLISB") dari semasa ke semasa untuk menyemak Terma & Syarat Promosi dan memastikan sentiasa mengikuti apa-apa pindaan atau perubahan kepada Terma & Syarat;
 - (d) bertanggungjawab dan akan menanggung sendiri segala cukai berkenaan, fi kerajaan atau apa-apa caj lain yang dikenakan terhadap mereka di bawah undang-undang berkenaan, berkaitan dengan penyertaan mereka dalam Promosi.

17. HLB / HLISB berhak:
 - (a) menambah, menggugurkan, menggantung atau meminda Terma & Syarat terkandung di dalam ini, sama ada keseluruhan atau sebahagian, atas budi bicara HLB / HLISB, dengan cara menyiarkannya dalam Laman Sesawang HLB / HLISB, atau dengan apa-apa cara yang dianggap sesuai oleh HLB / HLISB, pada bila-bila masa dengan memberi notis awal;
 - (b) melucutkan kelayakan mana-mana Pelanggan atas apa jua sebab sekalipun yang dianggap wajar oleh HLB / HLISB atas budi bicara mutlak daripada menyertai Promosi tanpa memberi apa jua sebabnya.
18. Terma & Syarat di dalam ini, Terma dan Syarat Am Akaun, Terma dan Syarat Akaun e-Deposit/-i Hong Leong, dan Terma dan Syarat Deposit Tetap/-i Hong Leong hendaklah dibaca sebagai suatu perjanjian keseluruhan. Sekiranya terdapat sebarang percanggahan, maka Terma & Syarat tertentu di dalam ini hendaklah diutamakan setakat percanggahan tersebut.
19. Sekiranya terdapat sebarang percanggahan antara Terma & Syarat di dalam ini dengan mana-mana bahan pengiklanan, promosi, publisiti dan bahan lain berkaitan atau bersabit dengan Promosi, maka Terma & Syarat muktamad dalam Laman Sesawang HLB / HLISB akan diutamakan.
20. Terma & Syarat adalah tertakluk kepada dan ditafsirkan menurut undang-undang Malaysia dan Pelanggan bersetuju untuk akur kepada bidang kuasa Mahkamah-mahkamah Malaysia.
21. Perkataan yang menandakan satu jantina termasuk semua jantina lain dan perkataan yang menandakan tunggal termasuk jamak dan begitu juga sebaliknya.

Deposit Tetap / Deposit Tetap-i layak dilindungi oleh PIDM.